

《佛說無量壽經》 補充講表

◎附表二十三：

○神智洞達，威力自在，能於掌中，持一切世界。

《維摩結經》不思議品第六云：「又舍利弗！住不可思議解脫菩薩，斷取三千大千世界，

如陶家輪著右掌中，擲過恒河沙世界之外，其中眾生不覺不知己之所往。又復還置本處，都不使人有往來想，而此世界本相如故。」

○七寶諸樹，周滿世界，金樹、銀樹、琉璃樹、玻璃樹、珊瑚樹、瑪瑙樹、磤磤之樹。

《觀經四帖疏》卷第三：「此明彌陀淨國，廣闊無邊，寶樹寶林，豈以七行為量也？今言

七重者，或有一樹，黃金為根，紫金為莖，白銀為枝，瑪瑙為條，珊瑚為葉，白玉為華，真珠為果。如是七重，互為根、莖，乃至華、果等，七七四十九重也。

或有一寶為一樹者，或二三四，乃至百千萬億不可說寶為一樹者。此義《彌陀經》

義中已廣論竟，故名七重也。言行者：彼國林樹雖多，行行整直而無雜亂。……此明諸寶林樹，皆從彌陀無漏心中流出。由佛心是無漏故，其樹亦是無漏也。一一樹，高三十二萬里；亦無老死者，亦無小生者，亦無初生漸長者。起即同時頓起，量數等齊，何意然者？彼界位是無漏無生之界，豈有生死漸長之義也！」

※《華嚴經》離世間品云：「菩薩妙法樹，生於直心地。信種慈悲根，智慧以為身，

方便為枝幹，五度為繁密，定葉神通華，一切智為果。」

《佛說觀無量壽佛經》云：「此諸寶樹，行行相當，葉葉相次。於眾葉間，生諸妙華，華上自然有七寶果。一一樹葉，縱廣正等二十五由旬。其葉千色，有百種畫，如天瓔珞。有眾妙華，作閻浮檀金色，如旋火輪，宛轉葉間，涌生諸果，如帝釋瓶。有大光明，化成幢幡、無量寶蓋。是寶蓋中，映現三千大千世界，一切佛事；十方佛國，亦於中現。」

《觀經四帖疏》卷第三云：「從涌生諸果下，至亦於中現已來，正明果有不思議德用之相，即有其五：一、明標果生時，自然涌出。二、明借喻，以標果相。三、明果有神光，化成幡蓋。四、明寶蓋圓明，內現三千之界，依正二嚴種種相現。五、明十方淨土，普現蓋中。彼國人天，無不睹見。又此樹量彌高，縱廣彌闊。華果眾多，神變非一。一一樹既然，遍滿彼國所有諸樹之果眾多，盡皆如此。應知一切行者，行住坐臥常作此想。」

○七寶諸樹（珠網彌覆）：七重羅網

《佛說觀無量壽佛經》云：「妙真珠網，彌覆樹上。一一樹上，有七重網。一一網間，有五百億妙華宮殿，如梵王宮。諸天童子，自然在中。一一童子，五百億釋迦毗楞伽摩尼，以為瓔珞。其摩尼光，照百由旬，猶如和合百億日月，不可具名，眾寶間錯，色中上者。」

○清風時發，出五音聲，微妙宮商，自然相和。

《佛說觀無量壽佛經》云：「八種清風，從光明出，鼓此樂器，」

○其道場樹，高四百萬里，其本周圍五千由旬，枝葉四布二十萬里，一切眾寶自然合成。

唐譯《無量壽如來會》云：「復次，阿難！無量壽佛，有菩提樹，高十六億由旬。枝葉垂

布八億由旬，樹本隆起，高五千由旬，周圓亦然。」

○微風徐動，吹諸寶樹，演出無量妙法音聲。其聲流布，徧諸佛國。聞其音者，得深法忍，唐譯云：「微風吹動，出種種聲，令千世界諸眾生等，隨樂差別，於甚深法，證無生忍。」

○若彼國土天人，見此樹者，得三法忍：一者音響忍，二者柔順忍，三者無生法忍。

一、音響忍：隨聞眾聲而悟諸法當體即空之理。「音響」指聲音的回響，雖有音無實質，喻諸法無實體可得。《佛說無量壽經義疏》曰：「尋聲悟解，知聲如響，名音響忍。」

二、柔順忍：心柔智順，於真俗不二實相之理不乖違，故云柔順。

三、無生法忍：證無生之實性而離諸相者。《華嚴經》十地品云：「無分別如如智之所入處，離一切心意識分別想，無所取著，猶如虛空，入一切法如虛空性，是名得無生法忍。」